

BIBLIOTEKA
Zakl. Nar. im. Ossolińskich

4^o 24


6.

XVII 20505

LIBRARY OF THE
POLISH ACADEMY OF SCIENCES
CRACOW

4^o Lit.
6.





MISSÆ

DEFUNCTORUM

EX MISSALI CISTERCIENSI

NOVISSIMO DESUMPTÆ,

CVM ORDINARIO ET CANONE,
ut in ipsis fervatur.

AUTHORITATE SUPERIORUM.



LUTETIÆ PARISIORUM,

Sumptibus SEBASTIANI MABRE-CRAMOISY,
Regis Typographi, viâ Jacobæâ, sub Ciconiis.

M. DC. LXIX.

CUM PRIVILEGIO REGIS CHRISTIANISSIMI.

Ecclesiæ Josephine

M 1 2 2 A

DE UINCTORUM

X MISSALI QUAESTIONE

IN QUAESTIONE DE UINCTORUM

CVM ORDINARIO ET CANONE

ut in ipis lectionibus

AUTHORITATE SUPERIORUM



LUTETIAE PARISIORUM
Sumptibus SEBASTIANI MARCE-CRAMOISSE
Regis Typographi, via Jacobæ, sub Cicerone.

1812

CHRISTIANISSIMA

VI 5 05 02 - IVX



MANDATUM

REVERENDISSIMI

D. D. CISTERCII GENERALIS.



NOS Frater Claudius Vauſſin Abbas Cistercij, sacrae Theologiae in Facultate Parisiensi Doctor, Christianissimo Regi à sanctioribus Consiliis, & in supremo Burgundiae Senatu primus Consiliarius natus, universi Cisterciensis Ordinis Caput, ac Superior Generalis, ejusdemque Capituli Generalis plenaria auctoritate fungentes, universis totius nostri Cisterciensis Ordinis Abbatibus, Abbatissis, Prioribus, Priorissis, & ceteris utriusque sexus regularibus personis, salutem in Domino. Cum juxta sancti Legislatoris nostri Benedicti Regulam operi Divino nihil sit praeponendum, nostrique Ordinis auctores solliciti servare unitatem spiritus in vinculo pacis, quae exuperat omnem sensum, providè statuerint, ut omnes nostri instituti professores, mores, cantum & libros omnes ad hoc Dei opus & ad aliud commodum publicum praefati Ordinis necessarios, secundum formam morum & librorum Novi Monasterij seu Archi-Cænobij nostri Cisterciensis possiderent: Sanè cum ad Generale ipsius regimen Dei providentià assumpti sumus, nihil nobis antiquius esse putavimus, quàm ut hujusmodi libri innumeris, quibus scatebant mendis ac erroribus purgati prodirent in lucem, idque curà & sumptibus honorabilis viri Domini Sebastiani Cramoisy, Christianissimi Regis Architypographi, Regiae Typographiae Curatoris, & urbis Parisiensis Exconsulis, hac tamen lege, ne aliquis Ordinis nostri professor cujuscumque gradus, dignitatis & conditionis, & in quocumque regno aut principatu existens, ullis alijs Breviarijs majoribus & minoribus, Diurnalibus, Missalibus, Martyrologijs, Antiphonarijs, Gradualibus, Psalterijs, Processionalibus, Precibus Horarijs B. Virginis Mariae, Regula D. Benedicti Abbatis, Usibus, Ordinarijs, Bullarijs, seu Privilegiorum codicibus, & aliis quibuscumque Ordini nostro peculiari- bus libris uti praesumeret. Licet autem hujusmodi libri paulo emendatiores

quam antè visi sint, omnibus tamen maturiùs inspectis ac discussis, ac plura in illis accuratiori castigatione indigere considerans Capitulum nostrum Generale apud Cistercium mense Maio anni millesimi sexcentissimi sexagesimi septimi celebratum, tribus spectata eruditionis ac regularis observantia peritissimis viris facultatem fecit, ut spongiam omnibus erratis, apocryphis, ac minus congruis admovent, & prædictos libros in meliorem formam redigerent. Quod cum feliciter jam exequantur, & præ infirma valetudine nimiaque senectute dictus Dominus Sebastianus Cramoisy non possit amplius dictorum Librorum impressioni vacare, Privilegium istud duximus cedendum soli honorabili viro Domino Mabre-Cramoisy, Christianissimi Regis Typographo, & Regiæ Typographiæ Luparæ Curatori, ad decennium, similibus legibus ac conditionibus, uti per præsentem concedimus. Quam ob rem vobis singulis & omnibus sub pœnâ inobedientiæ formalis, aliisque in Ordine nostro consuetis inhibemus (ut uniformitas Cistercio congenita illa sit) ne ullis ex præfatis libris temerè (quod absit) impressis aut imprimendis per totum illud decennium, sine assensu dicti Domini Mabre-Cramoisy, seu in illius præjudicium uti præsumatis. Datum Cistercij, die decima octava Ianuarij, anno millesimo sexcentesimo sexagesimo nono, sub nostra & Secretarii nostri subscriptionibus, & majoris nostri sigilli appositione.

F. CLAUDIUS Abbas Cisterciensis Generalis.

De Mandato prædicti Reverendissimi D. Domini mei Abbatis Generalis,

F. Georgius Bourée à Secretis.

Summa Privilegij Christianissimi Regis.

CAUTUM est autoritate Regis, ne quis in ejus regno, aliisve locis ejus conditioni subjectis, Breviaria, Diurnalia, Processionalia, Psalteria, Gradualia, Antiphonalia, Ordinaria, Vsus, privilegia, Horas B. Mariæ Virginis, Regulam S. Benedicti, aliosque libros, & Codices, Sacro & Religiosissimo Cisterciensi Ordini necessarios, & utiles, absque Sebastiani Mabre-Cramoisy, Regis Typographi, & Regiæ Typographiæ Luparæ Curatoris permisso imprimat aut divendat: Qui secus fecerit, mulctâ indictâ prout amplius in ipso diplomate continetur, mulctabitur. Lutetiæ Parisiorum die quarta Februarij anni 1669.

De mandato Regis,

LE NORMANT.

RITVS CELEBRANDI

MISSAM PRO DEFUNCTIS.

DE HIS QVÆ OMITTUNTUR IN MISSA pro Defunctis.



IN Missa pro Defunctis ante Confessionem non dicitur Psalmus. **Judica me Deus**, sed pronuntiata Antiphona, **Introibo ad Altare Dei**, & respōso à ministro, **Ad Deum qui lætificat juventutem meam**. dicitur **V. Adjutorium nostrum**. Confessio, cum reliquis, ut infra.

Cùm Celebrans ad Altare incipit Introitum, non signat se, sed manu dextra extensa, facit signum Crucis super librum, quasi aliquem benedicens. Non dicitur, **Gloria Patri**, sed post Psalmum repetitur, **Requiem æternam**, nec dicitur **Gloria in excelsis**, nec **Alleluia**, nec **Jube domne benedicere**, nec **Domine sit in corde meo**, nec osculatur librum in fine. Non dicitur **Credo**, non benedicitur aqua in Calicem fundenda, dicitur tamen Oratio, **Deus qui humanæ substantiæ**, &c. Cùm lavat manus, in fine Psalmi, **Lavabo inter innocentes**, non dicitur, **Gloria Patri**. Ad **Agnus Dei**, non dicitur, **miserere nobis**, cujus loco dicitur, **dona eis requiem**, nec tertio, **dona nobis pacem**, cujus loco dicitur, **dona eis requiem sempiternam**, neque percutitur pectus. Non dicitur prima Oratio ante Communionem, scilicet, **Domine Jesu Christe, qui dixisti Apostolis**

tuis, &c. nec datur pax. In fine non dicitur, **Ite Missa est**, nec, **Benedicamus Domino**, sed, **Requiescant in pace**. Et non datur benedictio: sed dicto **Placeat**, & osculato Altari, dicitur, ut infra, **In principio erat Verbum**, &c. Alia omnia, ut in aliis Missis.

In Missa solemni non incensatur Altare ad Introitum, & Subdiaconus finita Epistola non osculatur manum Celebrantis, nec benedicitur: Diaconus non petit benedictionem, nec osculatur Celebrantis manum: non tenentur luminaria ad Evangelium, nec portatur incensum, sed duo tantum Acolythi sine Candelabris stant unus à dextris, & alter à sinistris Subdiaconi tenentis librum Evangeliorum. Non incensatur liber, nec in fine Celebrans; nec deferitur liber Evangeliorum osculandus. Oblata, & Altare incensantur, ut alias: incensatur solus Celebrans, & non incensantur alij. Subdiaconus non tenet Patenam post Celebrantem: sed tempore elevationis Sacramenti genuflexus in cornu Epistolæ illud incensat. Ministri cùm aliquid porrigunt Celebranti in hac Missa, non osculantur ejus manum, neque rem, quæ porrigitur.

Si distribuendæ sunt candelæ, distribuuntur post Epistolam; & accen-

Ritus celebrandi Missam pro Defunctis.

dantur ad Evangelium, ad elevationem Sacramenti, & post Missam, dum fit Absolutio. Si habendus est Sermo, habeatur finita Missa ante Absolutionem.

Finita Missa, si facienda est Absolutio, Celebrans retrahit se ad cornu Epistolæ, ubi exiit Casula, & deposito Manipulo, accipit Pluviale nigrum. Subdiaconus medius inter duos Acolythos cum candelabris accensis, defert Crucem sicut in Processionibus, præcedentibus duobus aliis Acolythis, uno cum thuribulo & navicula incensi, alio cum vase aquæ benedictæ & aspersorio: sequitur Celebrans, facta prius Altari reverentia, & Diaconus à sinistris ejus, Subdiaconus cum Cruce sistit se ad pedes tumuli, seu lecticæ mortuorum contra Altare, medius inter dictos Acolythos tenentes luminaria: Celebrans verò ex alia parte in capite loci inter Altare & tumulum, aliquantum versus cornu Epistolæ, ita ut crucem Subdiaconi respiciat: à sinistris ejus Diaconus, & propè eum alij duo Acolythi deferentes thuribulum, & vas aquæ benedictæ. Interim cantatur *R. Libera me Domine*, & circa illius finem Celebrans ponit incensum in thuribulum, benedicens illud more solito, ministrante Diacono naviculam: & finito *Kyrie eleison*, incipit intelligibili voce *Pater noster*, & secretè prosequendo reliqua, accipit aspersorium de manu Diaconi, & facta Altari reverentia, comitante eodem Diacono à dextris, & tenente fimbriam anteriorem Pluvialis, circuiens tumu-

lum, aspergit illum aqua benedicta, ter à parte dextra, & ter à sinistra. Cum transit ante crucem, profundè inclinat se, Diaconus verò genuflectit: postea de manu ejusdem Diaconi accipit thuribulum, & eodem modo quo asperferat, incensat. Et rediens ad pristinum locum, Diacono tenente librum, junctis manibus dicit:

V. Et ne nos inducas in tentationē. R. Sed libera nos à malo.

V. A porta inferi. R. Erue Dómine ánimam ejus. V. Requiéscat in pace. R. Amen. V. Dómine exaudi orationem meam. R. Et clamor meus ad te véniat. V. Dóminus vobiscum. R. Et cum spíritu tuo.

O rémus.

Absólue, quæsumus Dómine, ánimam famuli tui *N.* ab omni vínculo delictórum: ut in resurrectionis glória, inter sanctos & electos tuos resuscitatus respiret. Per Christum Dóminum nostrum. *R. Amen.*

Deinde Celebrans faciens Crucem manu dextra super tumulum, dicit:

V. Réquiem ætérnam dona ei Dómine. R. Et lux perpétua luceat ei. Et dicto per Cantores Requiéscant in pace. & R. Amen. præcedente Cruce redit cum aliis ad Sacristiam.

Si Officium fit pro pluribus defunctis, omnia dicantur in numero plurali.

Supradicta Absolutio dicitur pro quacumque persona, addito dignitatis Pontificiæ, seu Sacerdotalis titulo post nomen proprium.

✠

PRÆPARATIO AD MISSAM

PRO OPPORTUNITATE SACERDOTIS FACIENDA.

Ante Missam pro Defunctis non dicuntur Psalmi. Quàm dilecta, &c.

Antiphona.

NE reminiscaris, Domine, delicta nostra, vel parentum nostrorum: neque vindictam sumas de peccatis nostris.

Postea Sacerdos dicit:

Kyrie eleison. Christe eleison.

Kyrie eleison.

Pater noster qui es in cœlis, &c.

℣. Et ne nos inducas in tentationem.

℟. Sed libera nos à malo.

℣. Ego dixi, Domine, miserere mei.

℟. Sana animam meam, quia peccavi tibi.

℣. Convertere Domine aliquantulum.

℟. Et deprecare super servos tuos.

℣. Fiat misericordia tua, Domine, super nos.

℟. Quemadmodum speravimus in te.

℣. Sacerdotes tui induantur iustitiam.

℟. Et sancti tui exultent.

℣. Ab occultis meis munda me, Domine.

℟. Et ab alienis parce servo tuo.

℣. Domine exaudi orationem meam.

℟. Et clamor meus ad te veniat.

℣. Dominus vobiscum.

℟. Et cum spiritu tuo.

Oremus.

AVres tuæ pietatis, mitissime Deus, inclina precibus nostris, & gratiâ sancti Spiritus illumina cor nostrum: ut tuis mysteriis dignè ministrare, teque æterna charitate diligere mereamur.

DEus, cui omne cor patet, & omnis voluntas loquitur, & quem nullum latet secretum, purifica per infusionem sancti Spiritus cogitationes cordis nostri: ut te perfectè diligere, & dignè laudare mereamur.

VRe igne sancti Spiritus renes nostros & cor nostrum, Domine: ut tibi casto corpore serviamus, & mundo corde placeamus.

Mentes nostras, quæsumus Domine, Paraclitus, qui à te procedit, illuminet: & inducat in omnem, sicut tuus promissit Filius, veritatem.

ADsit nobis, quæsumus Domine, virtus Spiritus sancti: qui & corda nostra clementer expurget, & ab omnibus tueatur adversis.

DEus, qui corda fidelium sancti Spiritus illustratione docuisti: da nobis in eodem Spiritu recta sapere, & de ejus semper consolatione gaudere.

Conscientiâs nostras, quæsumus Domine, visitando purifica: ut veniens Dominus noster Iesus Christus Filius tuus, paratam sibi in nobis inveniat mansionem. Qui tecum vivit & regnat in unitate Spiritus sancti Deus, Per omnia sæcula sæculorum. Amen.

Orationes dicendæ cum Sacerdos induitur Sacerdotalibus paramentis.

Cum lavat manus, dicat:

DA, Domine, virtutem manibus meis ad abstergendam omnem maculam: ut sine pollutione mentis & corporis valeam tibi servire.

Ad Amictum, dum ponitur super caput dicat:

Impone, Domine, capiti meo galeam salutis, ad expugnandos diabolicos incursus.

Ad Albam, cum ea induitur.

Déalba me Domine, & munda cor meum: ut in sanguine Agni dealbatus, gaudiis perfruar sempiternis.

Ad Cingulum, dum se cingit.

Precinge me, Domine, cingulo puritatis, & extingue in lumbis meis humorem libidinis: ut maneat in me virtus continentiae, & castitatis.

Ad Manipulum, dum imponitur brachio sinistro.

Merear, Domine, portare manipulum fletus & doloris: ut cum exultatione recipiam mercedem laboris.

Ad Stolam, dum imponitur collo.

Redde mihi, Domine, stolam immortalitatis, quam perdidisti in prævaricatione primi parentis: & quamvis indignus accedo ad tuum sacrum mysterium, merear tamen gaudium sempiternum.

Ad Casulam, cum assumitur.

Domine, qui dixisti: Iugum meum suave est, & onus meum leve: fac, ut istud portare sic valeam, quod consequar tuam gratiam. Amen.

Gratiarum Actio post Missam.

GRATIARVM ACTIO
post Missam.

Antiphona. Trium puerorum cantemus hymnum; quem cantabant sancti in camino ignis, benedicentes Dominum.

Canticum. Benedicite, &c. ad libitum.

Deinde Sacerdos dicit:

Kyrie eleison. Christe eleiso. Kyrie eleiso.

Pater noster qui es in coelis, &c.

V. Et ne nos inducas in tentationem.

R. Sed libera nos à malo.

V. Confiteantur tibi, Dñe, omnia opera tua.

R. Et sancti tui benedicant tibi.

V. Exultabunt sancti in gloria.

R. Latabuntur in cubilibus suis.

V. Non nobis, Domine, non nobis.

R. Sed nomini tuo da gloriā.

V. Domine exaudi orationem meam.

R. Et clamor meus ad te veniat.

V. Dominus vobiscum.

R. Et cum spiritu tuo.

Oremus.

Deus, qui tribus pueris mitigasti flammās ignium: concede propitius; ut nos famulos tuos nō exurat flamma vitiorū.

Actiones nostras, quęsumus Domine, aspirando pręveni, & adjuvando prosequere: ut cuncta nostra oratio & operatio à te semper incipiat, & per te cępta finiatur.

DA nobis, quęsumus Domine, vitiorum nostrorum flammās extinguere, qui beato Laurentio tribuisti tormentorum suorum incendia superare. Per Christum Dominum nostrum. **R.** Amen.

FORMA INTENTIONIS
ad Missam celebrandam.

AD laudem, & gloriā sanctissimę Trinitatis, in memoriā Salvatoris nostri Iesu Christi, Vitę, Passionis, Mortis, ac Resurrectionis, ac in operum, & meritum ejus, omniumque sanctorum unionem. Ad laudem quoque, & exaltationem Beatissimę Virginis Marię, Cęlestium Angelorum, Sanctorum, atque Sanctarum, & signanter **NN.** & aliorum Sanctorum, Offero etiam cum ipsorum Beatorum spirituum laudibus, Sanctorumque omnium precibus & meritis, nunc & semper, hoc, & omnia alia sacrificia, officia, orationes, & bona opera totius mundi, pro meis pręsentibus, & futuris animę, & corporis necessitatibus, in auxilium, & consolationem meam, & in remissionem omnium peccatorum meorum, quorum veram contritionem semper habere intendo, conor, & cupio, omniumque vivorum, & defunctorum meorum parentum, & consanguineorum, amicorum, inimicorum, benefactorum in spiritualibus, & temporalibus, ac illorum, quibus fui gravamen,

scandalum, & occasio peccandi. Pro omni gradu sanctę Catholicę Ecclesię, ac illius conservatione, augmento, & exaltatione, Christianorum Principum unione, hęresum extirpatione, Summi Pontificis salute, (Regis nostri Christianissimi incolumitate) & Animarum in Purgatorio existentium liberatione. Pro conservatione, & augmento omnium Religionum. Pro conversione omnium infidelium. Pro mihi commissis & commendatis. Denique pro illis omnibus vivis, atque defunctis, pro quibus Dominus noster Iesus Christus, & ejus Mater sciunt, & volunt me debere orare, & sacrificare; sic oro, obsecro, ac orare, obsecrare, sacrificare intendo, ac propono; ac juxta intentionem sanctę Catholicę Ecclesię, Ego **N.** Minister, licet indignus. In nomine Patris, & Filii, & Spiritus sancti. Amen. **Pater. Ave.**

Gratiarum Actio post Missam.

ODulcedo cordis mei, & vita animę meę, & jucunda requies spiritus mei, dulcis Iesu: immortales tibi ago gratias pro omnibus beneficiis mihi collatis; signanter verò, quia hodie me dignum fecisti, verum & immaculatum Corpus, & Sanguinem tuum pretiosum consecrare, pertractare, illudque tibi offerre in memoriā tuorum mirabiliū, ad tuam gloriā, & in remissionem omnium peccatorum, tam meorum, quam illorum pro quibus orare, sacrificare, & offerre proposui; illoque in salutem & consolationem animę meę cibari & nutriri: quapropter verè dicere audeo, Cibus meus Christus, & ego ejus. Multiplico ergo, & quotiescumque respiro, multiplicare intendo meam voluntatem in infinitum in tuis laudibus. Precorque Beatissimam Virginem, Angelos, Sanctos, Sanctas, & Creaturas universas pro me immensas tibi referre gratias: Immo quia iste minimè sufficiunt, Te supplico, ut tibi ipsi gratias agere, te laudare, & glorificare complaceas: & quia dignatus es istam indignam, tuam tamen facere habitationem, dignare quoque apud ipsam perpetuam facere mansionem. Effice me hominem secundum cor tuum. Vni me tibi intime, & totum transforma, & transmuta in te. Salva me Iesu Christe, & cunctam à me hostis antiqui depelle nequitiam, per tuam innocentissimam Passionem. Oro tandem, ut digneris gratias, & indulgentias omnes, quas hoc sacrificio, vel cōmunionē mediātē acquirere, & lucrari possum, concedere, tam mihi, quam aliis vivis, & defunctis, quibus applicare proposui, quia te ipsum & pro ipsis exoro, pro quibus & tu vis, & sanctissimus Pontifex intendit hac de causa me debere orare. Amen. **Pater. Ave.**

ORDO MISSÆ

SACERDOS PARATVS

CVM INGREDITVR AD ALTARE,

*Facta illi debita reverentia, signat se signo Crucis
à fronte ad pectus, & clara voce dicit:*



IN nómine Patris,
& Filii, & Spí-
tus sancti, Amen.

*Deinde junctis ma-
nibus ante pectus,*

incipit Antiphonam Introibo ad Al-
täre Deí. *Ministri R.* Ad Deum
qui lætíficat juventutem meam. Si-
gnat se dicens *V.* Adjutórium no-
strum in nómine Dómini.

R. Qui fecit cælum & terram.

*Deinde junctis manibus profun-
dè inclinatus facit Confessionem.*

Confiteor Deo omnipoténti,
beátæ Mariæ semper Vírgini,
beáto Michaéli Archángelo, beáto
Joánni Baptístæ, sanctis Apóstolis
Petro & Paulo, beáto Bernárdo,
ómnibus sanctis, & vobis fratres:
quia peccávi nimis cogitatione, ver-
bo, & ópere, *Percutit sibi pectus
ter, dicens, mea culpa, mea culpa,
mea máxima culpa.* Ideò precor beá-
tam Mariám semper vírginem, beá-
tum Michaélem Archángelum,
beátum Joánnem Baptístam, san-
ctos Apóstolos Petrum & Paulum,
beátum Bernárdum, omnes sanctos,
& vos fratres, oráre pro me ad
Dóminum Deum nostrum.

Ministri R.

Misereátur tui omnipotens
Deus, & dimíssis peccátis

tuis; perdúcat te ad vitam ætér-
nam. *Sacerdos dicit, Amen. & eri-
git se.*

*Deinde ministri repetunt Con-
fessionem: & ubi à Sacerdote dice-
batur, vobis fratres; &, vos fra-
tres, à ministris dicitur, tibi pater,
& te pater.*

*Postea Sacerdos junctis manibus
facit absolutionem, dicens:*

Misereátur vestri omnipotens
Deus, & dimíssis peccátis
vestris, perdúcat vos ad vitam ætér-
nam. *R.* Amen.

Signat se signo Crucis, dicens:

Indulgentiam, absolutionem,
& remissionem peccatórum no-
strórum tríbuat nobis omnipotens
& miséricors Dóminus. *R.* Amen.

Et inclinatus prosequitur.

V. Deus tu convérsus vivificábis
nos.

R. Et plebs tua lætábitur in te.

V. Osténde nobis Dómine miseri-
córdiam tuam.

R. Et salutáre tuum da nobis.

V. Dómine exáudi orationem
meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

*Et extendens, ac jungens manus,
clara voce dicit, O rémus; &*

ascendens ad Altare dicit secreto :

Affer à nobis, quæsumus Dómine, iniquitates nostras: ut ad sancta sanctorum, puris mereamur mentibus introire. Per Christum Dóminum nostrum. Amen.

Deinde manibus junctis super Altare, inclinatus dicit :

Oramus te Dómine, per mérita Sanctorum tuorum, **Osculatur Altare in medio**, quorum reliquæ hîc sunt, & omnium sanctorum: ut indulgere digneris omnia peccata mea. Amen.

Postea Celebrans signans librum signo Crucis, incipit Introitum: quo finito, junctis manibus, alternatim cum ministris dicit :

Kýrie eléison. **K**ýrie eléison. **K**ýrie eléison. **C**hriste eléison. **C**hriste eléison. **C**hriste eléison. **K**ýrie eléison. **K**ýrie eléison. **K**ýrie eléison.

Deinde osculatur Altare in medio, & versus ad populum dicit **℣**. Dóminus vobiscum.

℟. Et cum spiritu tuo.

Postea dicit, **O** rémus, & **O**rationes, unam aut plures, ut ordo Missæ postulat: sequitur Epistola, Graduale, & Tractus, vel sine Tractu, ut Missa postulat.

Deinde collocato Missali ad cornu Evangelii dicit:

Munda cor meum, ac lábia mea, omnipotens Deus, qui lábia Isaíæ Prophétæ cálculo mundásti ignito: ita me tua grata miseratione dignare mundare, ut sanctum Evangelium tuum digne valeam nuntiare. Per Christum Dóminum nostrum. Amen.

Deinde dicit **℣**. Dóminus vobiscum.

℟. Et cum spiritu tuo.

Et pronuntians, **S**equéntia sancti Evangelii secundum Joánnem: Pollice dextræ manus ignat librum in principio Evangelii, quod est lecturus, deinde seipsum in fronte, ore, & pectore: & **℟**. Glória tibi Dómine. Quo finito **℟**. Laus tibi Christe. & immediatè osculatur Altare, & versus ad populum dicit **℣**. Dóminus vobiscum.

℟. Et cum spiritu tuo.

Postea dicit, **O** rémus, & **O**fferitorium.

Quo dicto accipit Patenam cum Hostia; quam offerens dicit.

Suscipe sancte Pater, omnipotens æterne Deus, hanc immaculatam hostiam, quam ego indignus famulus tuus offero tibi Deo meo vivo & vero, pro innumerabilibus peccatis, & offensionibus, & negligentis meis, & pro omnibus circumstantibus, sed & pro omnibus fidelibus Christianis vivis atque defunctis: ut mihi & illis proficiat ad salutem in vitam æternam. Amen.

Deinde reposita Hostia super Corporale, & mittens vinum in Calicem, & aquam non benedicens, dicat.

Oratio.

Deus, qui humanæ substantiæ dignitatem mirabiliter condidisti, & mirabilius reformasti: da nobis per hujus aquæ & vini mysterium, ejus divinitatis esse consortes, qui humanitatis nostræ fieri dignatus est particeps, Jesus

Christus Filius tuus Dóminus noster: Qui tecum vivit & regnat, &c.

Postea accipit Calicem, & offert, dicens.

Offerimus tibi, Dómine, calicem salutáris, tuam deprecántes cleméntiam: ut in conspéctu divínæ majestátis tuæ, pro nostra & totíus mundi salúte, cum odóre suavitátis ascéndat. Amen.

Deinde facit lignum crucis cum Calice, & illum ponit super Corporale, & palla cooperit: tum junctis manibus super Altare, aliquantulum inclinatus dicit.

In spíritu humilitátis, & in ánimo contríto suscipiámur à te, Dómine: & sic fiat sacrificium nostrum in conspéctu tuo hódie, ut pláceat tibi Dómine Deus.

Erectus expandit manus, easque in altum porrectas jungens, elevatis ad cælum oculis, & statim demissis, dicit:

Veni sanctificátor omnipotens ætérne Deus: *Benedic oblata, prosequendo, & bene* ✠ *dic hoc sacrificium tuo sancto nómini præparátum.*

Postea Sacerdos lavat manus, dicens:

Lavabo inter innocéntes manus meas: & circúmdabo altáre tuum Dómine.

Ut áudiam vocem laudis: & enárem univérſa mirábilia tua.

Dómine diléxi decórem domus tuæ: & locum habitatiónis glóriæ tuæ.

Ne perdas cum impiis ánimam meam: & cum viris sánguinem vitam meam.

In quorum mánibus iniquitátes sunt: dextera eórum repléta est munéribus.

Ego autem in innocéntia mea ingressus sum: redime me, & misere rére mei.

Pes meus stetit in directo: in ecclésiis benedicam te Dómine. *sine Glória Patri.*

Deinde aliquantulum inclinatus in medio Altaris, junctis manibus super eo dicit:

Suscipe sancta Trínitas, hanc oblatiόνem, quam tibi offerimus ob memóriam Passiόνis, Resurrectiόνis, & Ascensiόνis Jesu Christi Dómini nostri: & in honórem beátæ Mariæ semper Vírginis, & beáti Joánnis Baptístæ, & sanctórum Apostolórum Petri, & Pauli, & istórum, & ómnium Sanctórum; ut illis proficiat ad honórem, nobis autem ad salútem: & illi pro nobis intercédere dignéntur in cælis, quorum memóriam ágimus in terris. Per eúndem Christum Dóminum nostrum. Amen.

Postea osculatur Altare, & versus ad populum, extendens & jungens manus, voce paululum elevatâ dicit:

Oráte fratres, ut meum ac vestrum sacrificium acceptábile fiat apud Deum Patrem omnipotentem.

Minister, seu circumstantes respondent, alioquin ipse Sacerdos:

Suscipiat Dóminus sacrificium de mánibus tuis (*vel* meis) ad laudem & glóriam nóminis sui, ad

utilitatem quoque nostram, totiús-
que Ecclesiæ suæ sanctæ.

Sacerdos submissâ voce dicit,
Amen. Deinde manibus extensis
absolutè sine Orémus; subjungit
Orationes secretas. Quibus finitis,
cùm pervenerit ad conclusionem,
clarâ voce dicit: Per omnia sécu-
la seculórum cum Præfatione,
ut in sequentibus. Præfatio in-
cipitur ambabus manibus positis
hinc inde super Altare: quas ali-
quantulum elevat, cùm dicit, Sur-
sum corda. Jungit eas ante pectus,
& caput inclinat, cùm dicit, Grátias
agámus Dómino Deo nostro.

Deinde disjungit manus, & dis-
junctas tenet usque ad finem Præ-
fationis: quâ finitâ, iterum jungit
eas, & inclinatus dicit Sanctus, Et
cùm dicit, Benedíctus qui venit,
signum Crucis sibi producit à fronte
ad pectus.

Per omnia sécula secu-

lórum. **R.** Amen.

V. Dó mi nus vo bís-

cum. **R.** Et cum spí ri-

tu tu o. **V.** Sursum cor-

da. **R.** Ha bémus ad

Dó mi num. **V.** Grá ti-

as a gámus Dó mino

De o nostro. **R.** Dignum

& ju stum est.

V e rè dignum; & ju-

stum est, æquum &

sa lu tá re, nos ti bi sem-

per, & u bí que grá-

ti as á ge re: Dó mi-

ne fan cte, Pa ter omní-

po tens, æ tér ne De us:

per Christum Dó mi-
 num no strum. Per
 quem ma je stá tem
 tu am laudant Ange-
 li, a dó rant Do mi-
 na ti ó nes, tremunt Po-
 te stá tes. Cæ li, cæ lorúm-
 que Virtú tes, ac be á-
 ta Sé ra phim, só ci a
 exul tati ó ne concélebrant.

Cum quibus & nostras
 vo ces, ut ad mít ti jú-
 be as de pre cá mur,
 súp pli ci con fes si ó-
 ne di cén tes.

Sanctus, Sanctus,
 Sanctus, Dómi-
 nus Deus Sábaoth.

Pleni sunt cæli & ter-
 ra glória tua.

Hosánna in excélsis.

Benedíctus qui venit
 in nómine Dómini,

Hosánna in excélsis.



CANON MISSÆ.

Sacerdos extendens, & jungens manus, elevans ad cælum oculos, & statim demittens, profundè inclinatus ante Altare, manibus super eo positis, dicit:



E igitur, clementissime Pater, per Iesum Christum Filium tuum Dominum nostrum, supplices rogamus, ac petimus, **Osculatur Altare:** uti accepta habeas, & benedicas, **Iungit manus,** deinde signat ter super oblata, dicens: Hæc ✠ dona, hæc ✠ mûnera, hæc ✠ sancta sacrificia illibata. **Extensis manibus** profequitur. In primis quæ tibi offerimus pro Ecclesia tua sancta Catholica, quam pacificare, custodire, adunare, & regere digneris toto orbe terrarum: u-

na cum famulo tuo Papa nostro **N.** & Antistite nostro **N.** & pro Rege nostro **N.** & omnibus orthodoxis, atque Catholicæ & Apostolicæ fidei cultoribus.

Commemoratio pro vivis.

Memento Domine, famulorum famularumque tuarum **N.** & **N.** **Iungit manus,** orat aliquantulum pro quibus orare intendit, deinde manibus extensis profequitur: Et omnium circumstantium, quorum tibi fides cognita est, & nota devotio, pro quibus tibi offerimus, vel qui tibi offerunt hoc sacri-

fícium laudis pro se
suísque ómnibus: pro
redemptióne animá-
rum suárum, pro spe
salútis & incolumitá-
tis suæ: tibi que red-
dunt vota sua ætérno
Deo, vivo & vero.

Infra actionem.

Communicántes,
& memóriam ve-
nerántes, in primis
glorióse semper Vír-
ginis Mariæ, genitrícis
Dei & Dómini nostri
Iesu Christi: Sed &
beatórum Apostoló-
rum ac Mártýrum
tuórum Petri & Pauli,
Andréæ, Iacóbi, Ioán-
nis, Thomæ, Iacóbi,
Philíppi, Bartholo-
mæi, Matthæi, Simó-
nis & Thaddæi: Lini,
Cleti, Cleméntis, Xy-
sti, Cornélii, Cypriáni,
Lauréntii, Chrysógo-
ni, Ioánnis & Pauli,

Cosmæ & Damiáni: &
ómnium Sanctórum
tuórum: quorum mé-
ritis precibúsque con-
cédas, ut in ómnibus
protectiōnis tuæ mu-
niámur auxílio. *Iungit
manus.* Per eúmdem
Christum Dóminum
nostrum. Amen.

*Tenens manus expan-
sas super oblata dicit:*

HAnc ígitur obla-
tiōnem servitú-
tis nostræ, sed & cun-
ctæ familiæ tuæ, quæ-
sumus Dómine, ut pla-
catus accípias: diésque
nostros in tua pace dis-
pónas, atque ab ætér-
na damnatiōne nos
éripí, & in electórum
tuórū júbeas gregenu-
merári. *Iungit manus.*

Per Christum Dómi-
num nostrum. Amen.

Quam oblatiōnem
tu Deus, in ómni-

bus, quæsumus, **Signat**
ter super oblata be-
 ne ✠ dictam, adscri ✠
 ptam, ra ✠ tam, ra-
 tionabilem, accepta-
 bilémque facere di-
 gnéris: **Signat semel**
super Hostiam, & se-
mel super Calicem: ut
 nobis Cor ✠ pus, &
 San ✠ guis fiat dile-
 ctissimi Filii tui Dómi-
 ni nostri Iesu Christi.

Q Vi pridie quàm
 paterétur, **Acci-**
pit Hostiam: accépit
 panem in sanctas ac
 venerábiles manus
 suas: **Elevat oculos ad**
cælum: & elevátis ó-
 culis in cælum, ad te
 Deum Patrem suum
 omnipoténtem: **Ca-**
put inclinans, dicit:
 tibi grátias agens, **Si-**
nistrâ tenens Ho-
stiam, dextrâ signat

super eam: bene ✠ dí-
 xit, fregit, deditque
 discípulis suis, dicens:
 Accípите, & mandu-
 cáte ex hoc omnes.

Tenens ambabus manibus
Hostiam inter indices & pol-
lices, profert verba consecra-
 tionis secretè, distinctè, & at-
 tentè.

Hoc est enim corpus
 meum.

Prolatis verbis consecra-
tionis, statim Hostiam con-
 secratam genuflexus adorat:
 surgit, ostendit populo, re-
 ponit super Corporale, ite-
 rum adorat: & non disjungit
 pollices & indices, nisi quan-
 do Hostia tractanda est, us-
 que ad ablutionem digito-
 rum. Tunc detecto Calice
 dicit:

S Imili modo post-
 quam cœnátum
 est, **Ambabus mani-**
bus accipit Calicem:
 accípiens & hunc pre-
 clárum Cálicem in sã-
 ctas ac venerábiles ma-
 nus suas: item **Caput**

inclinans, dicit: tibi grátias agens, **S**inistrâ tenens **C**alicem, dexterâ signat super eû: bene-
✠ dixit, deditque discipulis suis, dicens: Accípите & bíbite ex eo omnes.

Profert verba consecrationis secretè super Calicem, tenens illum parùm elevatum.

Hic est enim Calix sánguinis mei, novi & etérni testaménti: mystérium fídei: qui pro vobis & pro multis effundétur in remissió-nem peccatórum.

Prolatis verbis consecrationis, deponit Calicem super Corporale, & dicens secretè:

Hæc quotiescúmque fecéritis, in mei memóriam faciétis.

genuflexus adoratur: surgit, ostendit populo, deponit,

cooperit, & iterum adoratur. Deinde disjunctis manibus dicit:

UNdè & mémoires, Dómine, nos servi tui, sed & plebs tua sancta, ejúsdem Christi Fílii tui Dómini nostri tam beátæ passiónis, nec non & ab ínferis resurrecti-
onis, sed & in cælos gloriósæ ascensionis: of-
férimus præcláræ majestáti tuæ de tuis do-
nis ac datis, **I**ungit ma-
nus, & signat ter su-
per **H**ostiam & **C**alicem simul: **H**óstiam
✠ puram, hóstiam ✠
sanctam, hóstiam ✠
immaculátam, **S**ignat
semel super **H**ostiam,
& semel super **C**alicem: **P**anem ✠ san-
ctum vitæ æternæ, &
Cálicem ✠ salútis per-
pétuæ.

Extensis manibus prosequitur:

SVpra quæ propitio
ac sereno vultu res-
picere digneris: & ac-
cepta habere, sicuti ac-
cepta habere dignatus
es mûnera pûeri tui
justi Abel, & sacrifici-
um Patriarchæ no-
stri Abraham: & quod
tibi obtulit summus sa-
cerdos tuus Melchí-
sedech, sanctum sacri-
ficiu[m] immaculatam
hóstiam.

*Profundè inclinat[ur] junctis
manibus, & super Altare po-
fitis dicit:*

SVpplices te rogá-
mus, omnípotens
Deus: jube hæc perfér-
ri per manus sancti
Angeli tui in sublíme
altáre tuum, in con-
spéctu divínæ maje-
státis tuæ: ut quot-
quot, *osculatur Alta-
re*, ex hac altáris parti-
cipatióne, sacrosán-

ctum Fílii tui, *Iungit
manus, & signat semel
super Hostiam, & se-
mel super Calicem,
Corpus, ✠ & Sán✠-
guinem sumpsérimus.
Seipsum signat*, omni
benedictiône cælésti,
& grátia repleámur.
Iungit manus. Per
eúndem Christum
Dñm nostrum. Amē.

*Cōmemoratio pro Defunctis.
Extensis manibus dicit secretò,*

MEménto étiam,
Dómine, famu-
lór[um] famularúmque
tuárum *N. & N.* qui
nos præcessérunt cum
signo fidei, & dórmíūt
in somno pacis. *Iungit
manus, & respiciens
Sacramentū orat ali-
quantulum pro iis de-
functis, pro quibus ora-
re intendit, deinde ex-
tensis manibus prose-
quitur.* Ipsis Dómine,

& ómnibus in Christo
quiescéntibus, locum
refrigérii, lucis & pacis,
ut indúlgeas, depre-
cámur. **Iungit manus,
& caput inclinat.** Per
eúndem Christum
Dóminum nostrum.
Amen.

*Manu sinistrâ super Altare
positâ, dexterâ percutit sibi
pectus, elatâ parum voce
dicens:*

NObis quoq; pec-
catóribus, **deinde**
secretò profequitur:
fámulis tuis de multi-
túdine miserationum
tuárum sperántibus,
partem áliquam & so-
cietátem donáre di-
gnéris, cum tuis san-
ctis Apóstolis & Mar-
tyribus: cum Ioánnē,
Stéphano, Mathía,
Bárnaba, Ignátio, A-
lexándro, Marcellí-
no, Petro, Felicitáte,

Perpétuâ, Agathâ,
Lúciâ, Agnéte, Cæcí-
liâ, Anastásiâ, & óm-
nibus Sanctis tuis, in-
tra quorum nos con-
fórtium, non æstimá-
tor mériti, sed véniæ,
quæsumus, largítor
admítte. **Iungit ma-
nus** Per Christum Dó-
minum nostrum.

PEr quem hæc óm-
nia, Dómine, sem-
per bona creas, **Signat**
ter super Hostiam &
Calicem simul, dicēs:
sanctí✠ficas, viví✠-
ficas, bene✠dícis, &
præstas nobis. **Disco-**
operit Calicem, genu-
flectit, accipit Sacra-
mentum dexterâ, te-
nens sinistrâ Calicem:
signat cum Hostia ter
à labio ad labium Ca-
licis, dicens, Per ip ✠-
sum, & cum ip ✠ so, &
in ip ✠ so, bis signat

inter Calicem & pe-
ctus, est tibi Deo Patri
✠ omnipotenti, in u-
nitate Spiritus ✠ sancti,
Elevans parum Cali-
cem cum Hostia, dicit
etiam secretò: omnis
honor & glória. **Repo-**
nit Hostiam, cooperit
Calicem, genuflectit,
furgit, & dicit:

P Er omnia secula secu-
lórum. **R.** Amen.

Iungit manus.

O remus. Præceptis salutá-
ri bus móni ti, & di vína
in sti tu ti ó ne. for má ti au-
démus dí cere.

Extendit manus.

P Ater noster, qui es in cælis:

Sanctifi cé tur nomen tuum:

Advéniat regnum tuum: Fiat

volúntas tu a, sicut in cælo,

& in terra. Panem nostrum quo-

tidiánum da nobis hódie:


Et dimítte nobis débita nostra,

sicut & nos dimittimus debi-

tóribus nostris. Et ne nos in-

dúcas in ten ta ti ó nem.

R. Sed libera nos à malo.



Sacerdos submissa voce dicit Amen.

Deinde accipit Patenam inter indicem & medium digitos, & dicit:

Libera nos, quæsumus Dómine, ab ómnibus malis, præteritis, præsentibus, & futuris: & intercedente beátâ & gloriósâ semper vírgine Dei genitríce Mariâ cum beátis Apóstolis tuis,

Sinistrâ pectori admotâ, signat se cum patena à fronte ad pectus dicens:

Petro & Paulo, atque Andréa, & ómnibus sanctis, & eam osculatur, dicens: da propitius pacem in diébus nostris.

Submittens patenam Hostiæ, prosequitur:

ut ope misericórdiæ tuæ adjúti, & à peccáto simus semper líberi, & ab omni perturbatióne secúri.

Discooperit Calicem, genuflectit, surgit, accipit Hostiâ, frangit eam super Calicem

per medium, dicens:

Per eúmdem Dóminum nostrum Iesum Christum Fílium tuû.

Partem, quæ in dextera est, ponit super Patenam. Deinde ex parte quæ in sinistra remansit, frangit particulam, dicens:

Qui tecum vivit & regnat in unitáte Spíritus sancti Deus.

Aliam mediam partem cum ipsa sinistra ponit super Patenam, & dexterâ tenens particulam super Calicem, & sinistrâ Calicem, dicit:

P Er ómnia sécula seculórum. Amen.

Cum ipsa particula signat ter Calicem, dicens:

P ax Dómini, sit semper vobis cum. Et cum spí ri tu tu o.

Particulam ipsam immittit in Calicem, dicens secretè:

HÆc commixtio & consecratio Corporis & Sanguinis Domini nostri Jesu Christi, fiat accipientibus nobis in vitam æternam. Amen.

Cooperit Calicem, genuflectit, surgit, & inclinatus Sacramento, junctis manibus, dicit:

Agnus Dei, qui tollis peccata mundi, dona eis requiem.

Agnus Dei, qui tollis peccata mundi, dona eis requiem.

Agnus Dei, qui tollis peccata mundi, dona eis requiem sempiternam.

Deinde junctis manibus super Altare, inclinatus dicit sequentes Orationes.

Domine Jesu Christe; Fili Dei vivi, qui ex voluntate Patris, cooperante Spiritu sancto, per mortem tuam, mundum vivificasti: libera me per hoc sacrosanctum Corpus & Sanguinem tuum, ab omnibus iniquitatibus meis & universis malis: & fac me tuis semper inhaerere mandatis, & à te nunquam separari permittas. Qui cum eodem Deo Patre & Spiritu sancto vivis & regnas Deus in secula seculorum. Amen.

Perceptio Corporis tui, Domine Jesu Christe, quod ego indignus sumere præsumo, non mihi proveniat in iudicium, & condemnationem: sed pro tua pietate profit mihi ad tutamentum mentis & corporis, & ad medelam percipiendam. Qui vivis & regnas cum Deo Patre in unitate Spiritus sancti Deus:

per omnia secula seculorum. Amen.

Genuflectit, surgit, & dicit:

Panem cælestem accipiam, & nomen Domini invocabo.

Deinde parum inclinatus, accipit ambas partes Hostiæ inter pollicem & indicem sinistræ manus, & Patenam inter eundem indicem & medium, & dexterâ percutiens pectus, elevatâ aliquantulum voce dicit ter devotè, & humiliter:

Domine, non sum dignus, ut intres sub tectum meum: sed tantum dic verbo, & sanabitur anima mea.

Postea dexterâ se signans cum Hostia super Patena, dicit:

Corpus Domini nostri Jesu Christi custodiat animam meam in vitam æternam, Amen.

Sumit reverenter ambas partes Hostiæ, jungit manus, & quiescit aliquantulum in meditatione sanctissimi Sacramenti. Deinde discooperit Calicem, genuflectit, colligit fragmenta, si quæ sint, extergit Patenam super Calicem, interim dicens:

Quid retribuam Domino pro omnibus, quæ retribuit mihi? Calicem salutaris accipiam, & nomen Domini invocabo. Laudans invocabo Dominum; & ab inimicis meis salvus ero.

Accipit Calicem manu dexterâ, & eo se signans, dicit:

Sanguis Domini nostri Jesu Christi custodiat animam meam in vitam æternam, Amen.

Sumit totum Sanguinem cum particula. Quo sumpto, si qui sint

communicandi, eos communicet, antequam se purificet. Postea dicit:

QUOD ore sumpsimus Dómine, purâ mente capiâmus: & de mûnere temporâli fiat nobis remedium sempiternum.

Interim porrigit Calicem ministro, qui infundit in eo parum vini, quo se purificat: deinde prosequitur:

CORPUS tuum, Dómine, quod sumpsi, & Sanguis quem potavi, adhæreat viscëribus meis: & præsta ut in me non remaneat scelerum macula, quem pura & sancta refecerunt sacramenta. Qui vivis & regnas in sæcula seculorum, Amen.

Abluit digitos, extergit, & sumit ablutionem: extergit os, & Calicem, quem operit, & plicato Corporali collocat in Altari, ut prius: deinde prosequitur Missam. Dicto, post ultimam Orationem, Dóminus vobiscum.

R. Et cum spiritu tuo.



V. Requiescant in pace. **R.** Amen.

Inclinat se ante medium Altaris, & manibus junctis super istud, dicit:

PLACEAT tibi sancta Trinitas, obsequium servitutis meæ, & præsta: ut sacrificium, quod oculis tuæ majestatis indignus obtuli, tibi sit acceptabile, mihi que, & omni-

bus, pro quibus illud obtuli, sit, te miserante, propitiabile. Per Christum Dóminum nostrum, Amen.

Deinde osculato Altari, dicit:

Initium sancti Evangelii secundum Joannem.

IN principio erat Verbum, & Verbum erat apud Deum, & Deus erat Verbum: hoc erat in principio apud Deum. Omnia per ipsum facta sunt: & sine ipso factum est nihil, quod factum est. In ipso vita erat, & vita erat lux hominum, & lux in tenebris lucet, & tenebræ eam non comprehenderunt. Fuit homo missus à Deo, cui nomen erat Joannes. Hic venit in testimonium, ut testimonium perhiberet de lumine, ut omnes crederent per illum. Non erat illè lux, sed ut testimonium perhiberet de lumine. Erat lux vera, quæ illuminat omnem hominem venientem in hunc mundum. In mundo erat, & mundus per ipsum factus est, & mundus eum non cognovit. In propria venit, & sui eum non receperunt. Quotquot autem receperunt eum, dedit eis potestatem filios Dei fieri, his qui credunt in nomine ejus. Qui non ex sanguinibus, neque ex voluntate carnis, neque ex voluntate viri, sed ex Deo nati sunt. **ET VERBUM CARO FACTUM EST,** & habitavit in nobis, (& vidimus glóriam ejus, glóriam quasi unigeniti à Patre) plenum gratiæ & veritatis. **R.** Deo grátias.

MISSÆ PRO DEFUNCTIS

In Commemoratione omnium
fidelium Defunctorum.

Introitus.



Equiem æternam
dona eis Dómine: &
lux perpétua luceat
eis. *Psalm.* Te decet

hymnus Deus in
Sion, & tibi reddetur votum in Je-
rúsalem: exáudi orationem meam,
ad te omnis caro veniet. *Deinde ab-
solutè repetitur, R equiem æternam,
usque ad Psalmum.* *Oratio.*

Fidélum Deus ómnium cóndi-
tor & redemptor: & animabus
famulorum famularumque tuarum,
remissionem cunctorum tribue pec-
catorum: * ut indulgentiam, quam
semper optaverunt: & piis supplica-
tionibus consequantur. * Qui vivis
& regnas cum Deo Patre.

*Lectio Epistolæ beati Pauli Apó-
stoli ad Corínthios.*

Fratres: Ecce mystérium vobis
dico: Omnes quidem resurgé-
mus: sed non omnes immutábitur.
In momentó, in ictu óculi, in no-
víssima tuba. Canet enim tuba, &
mórtui resurgént incorrupti: & nos
immutábitur. Opórtet enim cor-
ruptibile hoc induère incorruptio-
nem; & mortále hoc induere im-
mortalitatem. Cúm autem mortá-
le hoc induerit immórtalitatē,
tunc fiet sermo, qui scríptus est: Ab-
sórpta est mors in victória. Ubi est

mors victória tua? ubi est mors sti-
mulus tuus? Stimulus autem mor-
tis, peccátum est: virtus verò peccá-
ti, lex. Deó autem grátias, qui dedit
nobis victóriam per Dóminum nó-
strum Iesum Christum.

*Graduale. R equiem æternam dona
eis Dómine, & lux perpétua luceat
eis. V. In memória æterna erit ju-
stus: ab auditióne mala non timébit.*

*Tractus. Absólve, Dómine, ánimas
ómnium fidelium defunctorum ab
omni vínculo delictórum. V. Et grá-
tia tua illis succurrēte, mereántur
evádere iudiciū ultiónis. V. Et lu-
cis æternæ beatitudine pérfrui.*

*Sequéntia sancti Evangelii
secúndum Joánnem.*

In illo témpore: Dixit Iesus tur-
bis Judæórum: Amen, ámen di-
co vobis: quia venit hora, & nunc
est, quando mórtui áudient vocem
Fílii Dei, & qui audierint, vivént.
Sicut enim Pater habet vitam in se-
metípso, sic dedit & Fílio habere
vitám in semetípso: & potestatem
dedit ei iudiciū fácere, quia Fílius
hóminis est. Nolité mírari hoc: quia
venit hora, in qua omnes qui in mo-
numentis sunt, áudient vocem Fílii
Dēi. Et procèdent qui bona fecé-
runt, in resúrréctiōnem vitæ: qui
verò malá egérunt, in resurrectiō-
nem iudicii.

*Offertorium. Dómine Iesu Christe,
rex glóriæ, libera ánimas ómnium*

Miss. Cisterc.

C

fidélium defunctorum de pœnis infèrni, & de profûndo lacu: libera eas de ore leónis, ne absôrbeat eas târtarus, ne cadant in obscûrum: sed signifer sanctus Michaël repræsêntet eas in lucem sanctam: * Quam cum Abrahamæ promisisti, & sêmini ejus.

V. Hóstias & preces, tibi, Dómine, laudis offerimus: tu súscipe pro animâbus illis, quarum hódie memoriâ facimus: fac eas, Dómine, de morte transire ad vitam. Quam olim.

Secreta.

Hóstias, quæsumus Dómine, quas tibi pro animâbus famulorum famularumque tuarum offerimus, propitiâus inténde: ut quibus fidei Christiânæ méritum contulisti, dones & præmium. Per Dóminum.

Communio. Lux æterna luceat eis Dómine, * Cum sanctis tuis in ætérnum quia pius es. **V.** Réquiem ætérnam dona eis Dómine: & lux perpétua luceat eis. Cum sanctis tuis in ætérnum, quia pius es.

Postcommunio.

Animâbus, quæsumus Dómine, famulorum famularumque tuarum oratio proficiat supplicántium: * ut eas & à peccâtis omnibus exuas, & tuæ redemptionis facias esse partícipes. * Qui vivis & regnas.

Dicto Dóminus vobiscum, **dicatur**, Réquiescant in pace.

R. Amen. & non datur benedictio sed dicto secretò, **P**laceat tibi sancta Trínitas, & osculato Altari, **legitur Evangelium sancti Joannis.** In principio erat Verbum, ut moris est

IN DIE OBITU S, seu depositionis Defuncti.

Introitus.



Equiem ætérnam dona eis Dómine: & lux perpétua luceat eis. **Psal.** Te decet hymnus Deus in

Sion, & tibi reddetur votum in Jerúsalem: exaudi orationem meam, ad te omnis caro veniet. **R**équiem ætérnam.

Oratio.

Deus, cui proprium est misereri semper & parcere, & te supplices exoramus pro ánima famuli tui **N.** quam hódie de hoc século migrare jussisti: * ut non tradas eam in manus inimici, neque obliviscaris in finem; & sed júbeas eam à sanctis Angelis súscipi, & ad pátriam paradísi perducí: * ut quia in te speravit & credidit, & non pœnas infèrni sustineat, sed gáudia ætérna possideat. * Per Dóminum.

Lectio Epístolæ beátí Pauli Apóstoli ad Thessalónicenses.

Fratres: Nólumus vos ignorare de dormientibus, ut non contristémini, sicut & céteri qui spém non habent. Si enim credimus quòd Jesus mórtuus est, & resurrexit: ita & Deus eos qui dormierunt per Jesum, adducet cum eo. Hoc enim vobis dicimus in verbo Dómini: quia nos qui vivimus, qui residui sumus in adventum Dómini, non præveniemus eos qui dormierunt. Quóniam ipse Dóminus in jussu, & in voce Archángeli, & in tuba Dei descéndet de celo: & mórtui qui in Christo sunt, resurgent primi. Deinde nos qui vivimus, qui relinqui-

mur,

mur, simul rapiemur cum illis in nubibus obviam Christo in aëra: & sic semper cum Domino erimus. Itaque consolamini invicem in verbis istis.

Psal.
72.

Graduale. Si ambulem in medio umbræ mortis, non timebo mala, quoniam tu mecum es Domine.

V. Virga tua, & baculus tuus ipsa me consolata sunt.

Tractus. Absolve Domine, animas omnium fidelium defunctorum ab omni vinculo delictorum. **V.** Et gratia tua illis succurrente, mereantur evadere iudicium ultionis. **V.** Et lucis æternæ beatitudine perfrui.

Sequētia sancti Evangelii
secundum Joannem.

Ioan.
11.

In illo tempore: Dixit Martha ad Jesum: Domine, si fuisses hic, frater meus non fuisset mortuus. Sed & nunc scio, quia quaecumque poposceris à Deo, dabit tibi Deus. Dicit illi Jesus: Resurget frater tuus. Dicit ei Martha: Scio quia resurget in resurrectione, in novissimo die. Dixit ei Jesus: Ego sum resurrectio & vita. Qui credit in me, etiam si mortuus fuerit, vivet: & omnis qui vivit, & credit in me, non morietur in æternum. Credis hoc? Ait illi: Utique Domine, ego credidi, quia tu es Christus filius Dei vivi, qui in hunc mundum venisti.

Offertorium. Domine Jesu Christe, rex gloriæ, libera animas omnium fidelium defunctorum de poenis inferni, & de profundo lacu: libera eas de ore leonis, ne absorbeat eas tartarus, ne cadant in obscurum: sed signifer sanctus Michael repræsentet eas in lucem sanctam: * Quam

olim Abraham promisisti, & semini ejus. **V.** Hostias & preces tibi Domine, laudis offerimus: tu suscipe pro animabus illis, quarum hodie memoriam facimus: fac eas Domine de morte transire ad vitam. Quam olim.

Secreta.

Propitiare, quæsumus Domine, animæ famuli tui **N.** pro qua hostiam laudis tibi immolamus, majestatem tuam suppliciter deprecantes: ut per hæc piæ placationis officia, pervenire mereatur ad requiem sempiternam. Per Dominum.

Communio. Lux æterna luceat eis Domine, Cum Sanctis tuis in æternum: quia pius es. **V.** Requiem æternam dona eis Domine: & lux perpetua luceat eis. Cum sanctis.

Postcommunio.

Presta quæsumus, omnipotens Deus: * ut anima famuli tui **N.** quæ hodie de hoc sæculo migravit, & his sacrificiis purgata, & à peccatis expedita, indulgentiam pariter & requiem capiat sempiternam. * Per Dominum nostrum.

In die iii. vii. & trigésimo depositionis defuncti, dicitur Missa ut supra, exceptis Orationibus, quæ dicuntur ut infra. **Oratio.**

Quæsumus Domine, * ut anima famuli tui **N.** cujus depositionis diem tertium (vel) septimum (vel) trigésimum, commemoramus, sanctorum atque electorum tuorum largiri digneris consortium: & rorem misericordiæ tuæ perennem infundas. * Per Dominum.

Secreta.

Munera, quæsumus Domine, quæ tibi pro anima famuli

tui **N.** offerimus, placatus inténde: ut remédiis purgata cæléstibus, in tua pietate requiescat. Per Dóminū.

Postcommunio.

Suscipe, Dómine, preces nostras pro ánima famuli tui **N.** * ut si quæ ei máculæ de terrénis contágiis adhæserunt, & remissionis tuæ misericórdia deleántur. * Per Dóminum.

IN ANNIVERSARIO Defunctorum. Introitus.



Equiem ætérnam dona eis Dómine: & lux perpétua lúceat eis. **Psalm.** Te decet hymnus Deus in Sion, & tibi reddétur votum in Jerúsalem: exáudi orationem meam, ad te omnis caro véniet. **R**équiem ætérnam.

Oratio in officio Mensis.

Præsta Dómine, quæsumus, * ut animæ famulorum famularumque tuarum, quorum anniversarium depositionis diem commemoramus: & indulgentiam pariter, & réquiem capiant sempitérnam. * Per Dóminum.

Alia Oratio. Deus vénia largitor. **ut infra.** 22.

Alia Oratio. Fidélium Deus ómnium. **ut infra.** 23.

Léctio libri Machabæorum.

In díebus illis: Vir fortíssimus Judas, collatione facta, duódecim millia drachmas argénti misit Jerosólymam offerri pro peccátis mortuórum sacrificium, bene & religiosè de resurrectione cógitans. Nisi enim eos qui cecidérant, resúrrectúros speráret, superfluum vide-

rétur & vanum oráre pro mórtuis. Et quia considerábat, quòd hi qui cum pietatē dórmitiōnem accéperant, óptimam habérent repósitam grátiam. Sancta ergo & salúbris est cogitatio pro defunctis exórare: ut à peccátis solvántur.

Graduale. Si ámbulem in médio umbræ mortis, non timébo mala quóniam tu mecum es Dómine.

V. Virga tua, & báculo tuus ipsa me consolata sunt.

Tractus. Absólve Dómine, ánimas ómnium fidélium defunctorum ab omni vínculo delictórum. **V.** Et grátia tua illis succurrénte, mereántur evádere judícium ultiónis. **V.** Et lucis ætérnæ beatitúdine pérfrui.

Sequéntia sancti Evangelii
secúndum Joánnem.

In illo témpore: Dixit Jesus turbis Judæórum. Omne quod dat mihi Pater, ad me véniet, & eum, qui venit ad me, nōn éjiciam foras: quia descéndi de cælo, non ut fáciam voluntátem meam, sed voluntátem ejus qui misit mē. Hæc est autem voluntas ejus quí misit me, Patris: ut omne quod dedit mihi, non perdam ex eo, sed resúscitem illud in novíssimo díe. Hæc est autem voluntas Patris meí, quí misit me: ut omnis qui videt Fílium, & credit in eum, hábeat vitam ætérnam. Et ego resuscitábō eum in novíssimo díe.

Offertorium. Dómine Jesu Christe, rex glóriæ, libera ánimas ómnium fidélium defunctorum de pœnis inférni, & de profúndo lacu: libera eas de ore leónis, ne absórbeat eas tártarus, ne cadant in obscúrum: sed

signifer

Psalm.
64.

2.
Mac.
12.

Psalm.
22.

Joan.
6.

signifer sanctus Michaël repræsentet eas in lucem sanctam: * Quam olim Abraham promisiſti, & ſemini ejus. *V.* Hóſtias & preces tibi, Dómine, laudis offerimus: tu ſúſcipe pro animábus illis, quarum hódie memóriam fácimus: fac eas Dómine de morte transire ad vitam. Quam olim. *Secreta.*

EXáudi, Dómine, supplicatiónes nostras, ut ánimas famulórum famularúmque tuárum, pro quibus tibi offerimus sacrificium, sanctis & eléctis tuis sociáre dignéris. Per Dóminum nostrum.

Alia Secreta. Deus cujus misericórdiæ. *ut infra.* 24.

Alia Secreta. Hóſtias, quæſumus Dómine. *ut infra.* 24.

Communio. Lux ætérna lúceat eis Dómine, * Cum sanctis tuis in ætérnum, quia pius es. *V.* Réquiem ætérnam dona eis Dómine: & lux perpétua lúceat eis. Cum sanctis.

Postcommunio.

SUſcipe, Dómine, preces nostras, pro animábus famulórum, famularúmque tuárum, * ut si quæ eis máculæ de terrénis contágiis adhæſerunt, & remissiónis tuæ misericórdia deleántur. * Per Dóminum.

Alia Postcommunio. Præſta quæſumus. *ut infra.* 24.

Alia Postcommunio. Animábus, quæſumus. *ut infra.* 24.

¶ Si pro uno fiat anniversarium, prædictæ Orationes dicuntur in ſingulari numero, & omittuntur Orationes. Deus vénia. & Fidélium.

In ſolemnibus verò Anniverſariis menſium Januarii, Maii, Septembris, & Novembris, unica dicitur

Oratio, ut infra assignatur.

In ſolemni Anniverſario Januarii.

Dicitur Miſſa, ut in Commemoratione omnium fidelium defunctorum. 17. cum ſequentibus Orationibus. Oratio.

DEus qui inter Apoſtólicos Sacerdótes, famulos tuos Pontificáli, ſeu Sacerdotáli feciſti dignitate vigére, & præſta quæſumus, ut eórum quoque perpétuo aggregéntur conſórtio. * Per Dñm. *Secreta.*

SUſcipe Dómine, quæſumus, pro Animábus famulórum tuórum Pontificum, ſeu Sacerdotum, quas offerimus hóſtias: ut quibus in hoc ſéculo Pontificále, ſeu Sacerdotále donáſti méritum, in cæléſti regno Sanctórum tuórum júbeas jungi conſórtio. Per Dñm. *Postcomm.*

PROſit, quæſumus Dómine, animábus famulórum tuórum Pontificum, ſeu Sacerdotum, misericórdiæ tuæ imploráta cleméntia, & ut ejus in quo ſperavérunt & crediderunt, ætérnum cápian te miſeránte conſórtium. * Per Dóminum.

In Anniverſario menſis Maii.

Dicitur Miſſa, ut ſuprà in Anniverſario Defunctorum. 20.

Oratio.

OMnípotens ſempitérne Deus, cui numquam ſine ſpe misericórdiæ ſupplicáture, & propitiáre animábus famulórum famularúmque tuárum, * ut qui de hac vita in tui nóminis confeſſióne diſceſſérunt, & ſanctorum tuórum número fácias aggregári. * Per Dóminum.

Secreta.

PROPITIÁre, quæſumus Dómine, animábus famulórum famula-

rúmque tuárum, pro quibus tibi hó-
stias placationis offerimus; & quia
in hac luce, in fide mansérunt cathó-
lica, in futura vita eis retributio con-
donetur. Per Dóminum.

Postcommunio.

P Ræsta quæsumus omnipotens
Deus, * ut ánimas famulorum
famularúmque tuárum ab Angelis
lucis suscéptas, & in præparata habi-
tacula deduci fácias beatórum. * Per
Dóminum.

In Anniversario mensis Septembris.
Missæ ut in Anniversario Defun-
ctorum. 20. Oratio.

D Eus, vénia largitor & huma-
næ salutis amátor: & quæsu-
mus cleméntiam tuam, * ut nostræ
congregationis fratres, propínquos,
& benefactóres, qui ex hoc século
transiérunt: & beata María semper
vírgine intercedente cum ómnibus
Sanctis tuis, ad perpétuæ beatitúdi-
nis cōsörtium pervenire concédas. *
Per Dóminum.

Secreta.

D Eus, cujus misericórdiæ non
est número, súscipe propítius
præces humilitatis nostræ: & animá-
bus fratrum, propinquorum & be-
nefactorum nostrorum, quibus tui
nóminis dedísti confesiónem; per
hæc sacraménta salutis nostræ, cun-
ctorum remissionem tríbue pecca-
torum. Per Dñm. **Postcommunio.**

P Ræsta quæsumus omnipotens
& misericors Deus: * ut animæ
fratrum, propinquorum & benefa-
ctorum nostrorum, pro quibus hoc
sacrificium laudis tuæ obtúlimus
majestati: & per hujus virtutem sacra-
ménti à peccatis ómnibus expiatae,
lucis perpétuæ, te miserante, perci-

piant beatitudinem. * Per Dóminū.
In anniversario mensis Novembris.
Missæ ut in Anniversario Defun-
ctorum. 20. Oratio.

D Eus, cui proprium est misereri
semper & párcere, & propitiare
animabus famulorum famularúm-
que tuárum, & ómnia eórum pec-
cata dimítte, * ut mortalitatis vín-
culis absolutæ, & transire mereántur
ad vitam. * Per Dóminum.

Secreta.

A Nimas famulorum famula-
rúmque tuárum, quæsumus
Dómine, ab ómnibus vitiis huma-
næ conditionis hæc absólvat oblá-
tio, quæ totius mundi tulit immo-
lata peccatum. Per Dóminum.

Postcommunio.

P Ræsta, Dómine quæsumus, ani-
mabus famulorum famularúm-
que tuárum misericórdiam sempi-
térnam, * ut mortalitatis nexibus ab-
solutæ, & lucem ætérnam possi-
deant. * Per Dóminum.

IN MISSIS QUOTIDIANIS
Defunctorum. Introitus.



Equiem ætérnam
dona eis Dómine: &
lux perpétua lúceat
eis. **Psal. Te decet**
hymnus Deus in
Sion, & tibi reddetur votum in Je-
rúsalem: exáudi orationem meam,
ad te omnis caro véniet. **R** equiem
ætérnam.

In Missis privatis quæ quotidie
celebrantur pro Defunctis. Oratio.

D Eus, cui proprium est misereri
semper & párcere, & propitiare
animabus famulorum famularúm-

que

que tuarum, & omnia eorum peccata dimitte, * ut mortalitatis vinculis absolutæ, & transire mereantur ad vitam. * Per Dominum.

In Missa autem quæ dicitur in Conventu prima die vacante cuiusque hebdomadæ, prima Oratio.

Deus qui inter Apostólicos Sacerdotes, ut supra. 21.

Pro defunctis fratribus, propinquis & benefactoribus. Oratio.

Deus, veniæ largitor & humanæ salutis amator: & quæsumus clementiam tuam, * ut nostræ congregationis fratres, propinquos, & benefactores, qui ex hoc sæculo transierunt: & beata Maria semper virgine intercedente cum omnibus Sanctis tuis, ad perpétuæ beatitudinis consortium pervenire concedas. *

Pro fidelibus Defunctis, generalis Oratio.

Fidélium Deus omnium conditor & redemptor: & animabus famulorum famularumque tuarum, remissionem cunctorum tribue peccatorum: * ut indulgentiam, quam semper optaverunt, & piis supplicationibus consequantur. * Qui vivis & regnas cum Deo Patre.

Lectio libri Apocalýpsis beati Joannis Apóstoli.

IN diebus illis: Audívi vocem de cælo dicentem mihi: Scribe, beati mórtui qui in Dómino móriúntur. Amódò jám dicit spíritus, ut requiescant à labóribus suis. Opera enim illórum sequúntur illos.

*Graduale. R*equiem æternam dona eis Dómine, & lux perpétua luceat eis. *V.* Animæ eorum in bonis demorentur, & semen eorum hereditet

terram. *nec additur Tractus, etiam in privatis Missis.*

*S*equéntia sancti Evangelii secúndum Joánnem.

IN illo témpore: Dixit Jesus turbis Judæórum: Egó sum panis vivus, qui de cælo descēdī. Si quis manducavērit ex hoc pane, vivet in æternū. Et panis quē ego dabo, caro mea est pro mundi vitā. Litigabant ergó Jūdæi ad invicem, dicētes: Quómodo potest hic nobis carnem suam dare ad manducandum? Dixit ergo eis Jesús: Amen, ámen dico vobis: nisi manducaveritis carnem Filii hóminis, & bibéritis ejus ságuinem, non habébitis vitam in vóbis. Qui manducat meam carnem, & bibit meum ságuinem, habēt vitam æternam: & ego resuscitabó eum in novíssimo die.

Offertorium. Dómine Jesu Christe, rex glóriæ, libera ánimas omnium fidélium defunctorum de pœnis inférni, & de profúndo lacu: libera eas de ore leónis, ne absórbeat eas tártarus, ne cadant in obscúrum: sed signifer sanctus Michaél repræsētet eas in lucē sanctam: Quam olim Abrahæ promisísti, & sēmini ejus.

V. Hóstias & preces, tibi, Dómine, laudis offerimus: tu súscepe pro animabus illis, quarum hódie memóriam fácimus: fac eas, Dómine, de morte transire ad vitam. Quam olim.

In Missis privatis quotidianis.

Secreta.

Animas famulorum famularumque tuarum, quæsumus Dómine, ab omnibus vitiis humanæ conditionis hæc absolvat oblá-

tio, quæ totius mundi tulit immolata peccatum. Per Dóminum.

In Missa Conventuali primæ diei vacantis cujusque hebdomadæ.

Secreta prima.

Suscipe Dómine, quæsumus, pro Animabus famulorum tuorum Pontificum, seu Sacerdotum, quas offerimus hostias: ut quibus in hoc sæculo Pontificale, seu Sacerdotale donasti meritum, in cælesti regno Sanctorum tuorum jubeasungi consortio. Per Dóminum.

Pro defunctis fratribus, propinquis, ac benefactoribus. Secreta.

Deus, cujus misericordiae non est numerus, suscipe propitius preces humilitatis nostræ: & animabus fratrum, propinquorum & benefactorum nostrorum, quibus tui nominis dedisti confessionem; per hæc sacramenta salutis nostræ, cunctorum remissionem tribue peccatorum.

Pro omnibus fidelibus defunctis.

Secreta.

Hostias, quæsumus Dómine, quas tibi pro animabus famulorum famularumque tuarum offerimus, propitiatus intende: ut quibus fidei Christianæ meritum contulisti, dones & præmiū. Per Dñm.

Communio. Lux æterna luceat eis Dómine, * Cum sanctis tuis in æternum, quia pius es. *V.* Réquiem æternam dona eis Dómine: & lux perpétua luceat eis. Cum sanctis.

In Missis privatis quotidianis.

Postcommunio.

Pæsta, Dómine quæsumus, animabus famulorum, famularumque tuarum misericordiam sem-

piternam; * ut mortalitatis nexibus absolutæ, & lucem æternam possideant. * Per Dóminum.

In Missa Conventuali primæ diei vacantis in qualibet hebdomada.

Postcommunio prima.

Profit, quæsumus Dómine, animabus famulorum tuorum Pontificum, seu Sacerdotum, misericordiae tuæ implorata clementia: & ut ejus in quo speraverunt & crediderunt, æternum capiant te miserante consortium. * Per Dóminum.

Pro Defunctis fratribus, propinquis, & benefactoribus.

Postcommunio.

Pæsta quæsumus omnipotens & misericors Deus: * ut animæ fratrum, propinquorum & benefactorum nostrorum, pro quibus hoc sacrificium laudis tuæ obtulimus majestati: & per hujus virtutem sacramenti à peccatis omnibus expiatae, lucis perpétuæ, te miserante, percipiant beatitudinem. *

Pro omnibus fidelibus defunctis.

Postcommunio.

Animabus, quæsumus Dómine, famulorum famularumque tuarum oratio proficiat supplicantium: * ut eas & à peccatis omnibus exuas, & tuæ redemptionis facias esse participes. * Qui vivis & regnas cum Deo Patre.

Per totum solemne Tricenarium Septembris, tam in Missa Conventuali primæ diei vacantis in qualibet hebdomada, quam in Missis privatis quotidianis dicuntur Orationes, Deus vénia. Deus cui proprium. & Fidelium. In Officio autem mensis, fit ut in aliis temporibus.

ORATIONES

ORATIONES DIVERSE PRO DEFUNCTIS.

In die depositionis, & anniversario summi Pontificis, dicitur prima Missa ut supra in Commemoratione omnium Fidelium Defunctorum. 17. præter Orationes, quæ dicuntur ut infra. Oratio.



Eus, qui inter summos Sacerdotes famulum tuum **N.** ineffabili tua dispositione connumerari voluisti: præsta quæsumus: ut qui unigeniti Filii tui vices in terris gererat, & sanctorum tuorum Pontificum consortio perpetuo aggregetur. * Per eundem Dñm. **Secreta.**

Suscipe, Domine quæsumus, pro anima famuli tui **N.** summi Pontificis, quas offerimus hostias: ut cui in hoc sæculo Pontificale donasti meritum, in cælesti regno Sanctorum tuorum jubeasungi consortio.

Postcommunio.

Profit, quæsumus Domine, animæ famuli tui **N.** summi Pontificis, misericordiæ tuæ implorata clemencia: & ut ejus, in quo speravit & credidit, æternum capiat, te miserante, consortium. * Per Dominum.

Pro defuncto Episcopo dicitur prima Missa, ut supra in Commemoratione omnium fidelium defunctorum. 17. Orationes verò ut infra. Oratio.

Deus qui inter Apostolicos sacerdotes, famulum tuum **N.** Pontificali fecisti dignitate vigere, * præsta quæsumus, & ut eorum quo-

que perpetuo aggregetur consortio. * Per Dominum. **Secreta.**

Suscipe Domine, quæsumus, pro anima famuli tui **N.** Pontificis, quas offerimus hostias: ut cui in hoc sæculo Pontificale donasti meritum, in cælesti regno Sanctorum tuorum jubeasungi consortio. Per Dñm.

Postcommunio.

Profit, quæsumus Domine, animæ famuli tui **N.** Pontificis, misericordiæ tuæ implorata clemencia: & ut ejus, in quo speravit & credidit, æternum capiat, te miserante, consortium. * Per Dominum.

Pro defuncto Sacerdote dicitur eadem Missa, & dicuntur eadem Orationes ac pro Episcopo, sed ubi dicitur Pontificali, dicatur Sacerdotali, & pro Pontificis, dicatur, Sacerdotis.

Pro Episcopo Cardinali defuncto dicatur, famulum tuum N. Episcopum Cardinalem Pontificali fecisti dignitate, &c.

Pro Presbytero Cardinali dicatur, famulum tuum N. Presbyterum Cardinalem Sacerdotali fecisti, &c.

Pro Diacono autem Cardinali dicitur Oratio, Inclina Domine, quæ habetur paulò infra, hoc modo, ut animam famuli tui N. Diaconi Cardinalis, quam de hoc, &c.

Pro defuncto Episcopo.

Alia Oratio.

DA nobis, Domine, * ut animam famuli tui **N.** Episcopi, quam de hujus sæculi eduxisti labo-

rioso certamine, & Sanctorum tuorum tribuas esse consortem. * Per Dominum.

Secreta.

Annue nobis, quæsumus Domine, ut animæ famuli tui **N.** Episcopi hæc profit oblatio: quam immolando, totius mundi tribuisti relaxari delicta. Per Dominum.

Postcommunio.

His sacrificiis, quæsumus omnipotens Deus, purgata anima famuli tui **N.** Episcopi, & ad indulgentiam & refrigerium sempiternum pervenire mereatur. * Per Dominum.

Pro defuncto Sacerdote.

Et possunt dici pro pluribus in numero plurali.

Oratio.

Presta quæsumus Domine: * ut anima famuli tui **N.** Sacerdotis, quem in hoc sæculo commorantem, sacris muneribus decorasti, & in cælesti sede gloriosa semper exultet. * Per Dominum.

Secreta.

Suscipe Domine, quæsumus, pro anima famuli tui Sacerdotis quas offerimus hostias: ut cui Sacerdotale donasti meritum, dones & præmium. Per Dominum.

Postcommunio.

Presta quæsumus omnipotens Deus: & ut animam famuli tui **N.** Sacerdotis in congregatione justorum æternæ beatitudinis jubeas esse consortem. * Per Dominum.

Pro uno defuncto. Oratio.

Incлина Domine aurem tuam ad preces nostras, & quibus misericordiam tuam supplices deprecamur: * ut animam famuli tui, quam de hoc sæculo migrare jussisti, in pa-

cis ac lucis regione constituas; & Sanctorum tuorum jubeas esse consortem. * Per Dominum nostrum.

Secreta.

Annue nobis, quæsumus Domine, ut animæ famuli tui hæc profit oblatio: quam immolando, totius mundi tribuisti relaxari delicta. Per Dominum.

Postcommunio.

Absolve, quæsumus Domine, animam famuli tui ab omni vinculo delictorum: & ut in resurrectionis gloria inter sanctos & electos tuos resuscitatus respiret. * Per Dominum nostrum.

Pro una defuncta. Oratio.

Quæsumus Domine, pro tua pietate miserere animæ famulæ tuæ: * & à contagiis mortalitatis exutam, & in æternæ salvationis partem restitue. * Per Dominum.

Secreta.

His sacrificiis, quæsumus Domine, anima famulæ tuæ à peccatis omnibus exuatur, sine quibus à culpa nemo liber exitit: ut per hæc piæ placationis officia, perpetuam misericordiam consequatur. Per Dominum nostrum.

Postcommunio.

Inveniat, quæsumus Domine, anima famulæ tuæ lucis æternæ consortium: & cujus perpetuæ misericordiæ consecuta est sacramentum. * Per Dominum.

Pro patre & matre Sacerdotis.

Oratio.

Deus, qui nos patrem & matrem honorare præcepisti, * miserere clementer animabus patris & matris meæ, eorumque peccata dimitte: &

dimitte: & meque eos in aeternae claritatis gaudio fac videre. * Per Dominum nostrum.

Secreta.

Suscipe sacrificium, Domine, quod tibi pro animabus patris & matris meae offero: eisque gaudium sempiternum in regione vivorum concede: meque cum illis felicitati Sanctorum conjunge. Per Dominum.

Postcommunio.

Caelstis participatio sacramenti, quaesumus Domine, animabus patris & matris meae requiem & lucem obtineat perpetuam: & meque cum illis gratia tua coronet aeterna. * Per Dominum nostrum Iesum Christum Filium tuum.

Si pro patre tantum, vel matre tantum, dicatur in singulari.

Oratio.

Deus, qui nos patrem & matrem honorare praecipisti: * miserere clementer animae patris mei, *vel* matris meae, ejusque peccata dimitte: & meque eum, *vel* eam, in aeternae claritatis gaudio fac videre. * Per Dominum.

Secreta.

Suscipe sacrificium, Domine, quod tibi pro anima patris mei, *vel* matris meae, offero: ei que gaudium sempiternum in regione vivorum concede: meque cum illo, *vel* illa, felicitati Sanctorum conjunge. Per Dominum nostrum.

Postcommunio.

Caelstis participatio sacramenti, quaesumus Domine, animae patris mei, *vel* matris meae, requiem & lucem obtineat perpetuam: & meque cum illo, *vel* illa,

gratia tua coronet aeterna. * Per Dominum nostrum.

Pro defunctis fratribus, propinquis, ac benefactoribus. Oratio.

Deus, veniae largitor, & humanae salutis amator: & quaesumus clementiam tuam, * ut nostrae congregationis fratres, propinquos, & benefactores, qui ex hoc saeculo transierunt: & beata Maria semper virgine intercedente cum omnibus Sanctis tuis, ad perpetuae beatitudinis consortium pervenire concedas. * Per Dominum nostrum.

Secreta.

Deus, cujus misericordiae non est numerus, suscipe propitius preces humilitatis nostrae: & animabus fratrum, propinquorum & benefactorum nostrorum, quibus tui nominis dedisti confessionem; per haec sacramenta salutis nostrae, cunctorum remissionem tribue peccatorum. Per Dominum.

Postcommunio.

Praesta quaesumus omnipotens & misericors Deus: * ut animae fratrum, propinquorum & benefactorum nostrorum, pro quibus hoc sacrificium laudis tuae obtulimus majestati: & per hujus virtutem sacramenti a peccatis omnibus expiatae, lucis perpetuae, te miserante, percipiant beatitudinem. * Per Dominum nostrum Iesum Christum.

Pro his qui in coemeterio requiescunt. Oratio.

Deus, cujus miseratione animae fidelium requiescunt: & famulis & famulabus tuis, & omnibus hic & ubique in Christo quiescentibus, da propitius veniam pec-

catórum: * ut à cunctis reátibus absolúti, & tecum sine fine læténtur. * Per eúndem Dóminum. *Secreta.*

Pro animábus famulórum famularúmque tuárum, & ómnium catholicórum híc & ubique in Christo dormiéntium, hóstiam, Dómine, súscipe benignus oblátam: ut hoc sacrificio singulári, vinctulis horréndæ mortis exúti, vitam mereántur ætérnam. Per eúndem Dóminum.

Postcommunio.

Deus, fidélium lumen animárum, & adésto supplicatióibus nostris: * & da fámulis & famulábus tuis, quorum córpora híc & ubique in Christo requiéscunt, & refrigerií sedem, quiétis beatitúdinem, & lúminis claritátem. * Per eúndem Dóminum nostrum.

Alia pro pluribus Defunctis. Oratio.

Animábus, quæsumus Dómine, famulórum, famularumque tuárum misericórdiam concede perpétuam: & ut eis proficiat in ætérnum, quòd in te speravérunt & credidérunt. * Per Dñm. *Secreta.*

His, Dómine quæsumus, placatus inténde munéribus: & quod ad laudem tui nóminis supplicantes offerimus, ad indulgéntiam proficiat Defunctorum. Per Dóminum. *Postcommunio.*

Supplices, Dómine, pro animábus famulórum famularúmque tuárum preces effúndimus, obsecrantes: * ut quidquid conversatióne contraxérunt humana, & cleménter indulgeas, & in tuórum sede lætántium constituas redemptórum. * Per Dóminum.

¶ Notandum est quòd pro Abbate habente usum Mitræ, & Pontificalium, dicitur Oratio. Deus qui inter Apostólicos Sacerdotes. eodem modo, quo supra notatur pro Episcopo: & pro non habente, ea quæ assignatur pro Sacerdote defuncto: nec umquam mutantur Orationes propriæ pro Papa, Cardinali, Episcopo, & Sacerdote, etiam in die obitus, ac tertio, septimo, trigésimo, & anniversario, nec in aliis quibuscumque diebus, quamvis in his nulla fiat mentio huiusmodi dierum.

In Absolutione quæ fit post Missam solemnem ad lecticam, cujus ritus fusè explicantur in rubricis generalibus; cantato à choro *R.* Libera me, & *V.* Kyrie eléison, Celebrans dicit, *I*ter noster, & secretò reliqua prosequitur, asperisionem & thurificationem circa lecticam faciens, postea dicit *V.* Et ne nos indúcas in tentatióem. *V.* A porta inferi. *V.* Requiéscat in pace. *D*ómine exáudi oratióem meam. *D*ñs vobíscum. *O*remus. *V.*

Absolve, quæsumus Dómine, ánimam fámuli tui *N.* ab omni vinctulo delictórum: * ut in resurrectionis glória inter sanctos & eléctos tuos resuscitatus respíret. Per Christum Dóminum nostrum. *R.* Amen.

Deinde Celebrans dicit *V.* Réquiem ætérnam *✠* dona ei Dñe, & Cantores, Requiéscát in pace. Quæ Absolutio dicitur pro quacumque persona, addito dignitatis Pontificiæ seu Sacerdotalis titulo post nomen proprium.

PROSA.

Dies iræ, dies illa,
Soluēt sacrum in fauilla,
Teste Dauid cum Sibilla,
Quantus tremor est futurus,
Quando Iudex est venturus,
Cuncta stricte discussurus,
Tuba mirum spargens sonum,
Per sepulchra regionum,
Coget omnes ante thronum.
Mors stupebit, & natura,
Cum resurget creatura,
Iudicanti responsura.
Liber scriptus proferetur,
In quo totum continetur,
Vnde mundus iudicetur,
Iudex ergo sedebit,
Quidquid latet apparebit,
Nil inultum remanebit.
Quid sum miser tunc dicturus?
Quem patronum rogaturus?
Cum vix iustus sit securus,
Rex tremenda maiestatis,
Qui saluandos saluas gratis,
Salua me fons pietatis.
Recordare IESU pie,
Quod sum causa tuæ viæ,
Ne me perdas illa die.
Quærens me, sedisti lassus

Redemisti, crucem passus;
Tantus labor non sit cassus.
Iuste Iudex ultionis,
Donum fac remissionis
Ante diem rationis.
Ingemisco, tanquam reus;
Culpa rubet vultus meus.
Supplicanti parce Deus.
Qui Mariam absolūisti,
Et latronem exaudisti,
Mihi quoque spem dedisti.
Preces meæ non sunt dignæ;
Sed tu bonus fac benigne,
Ne perenni cremer igne.
Inter oves locum præsta,
Et ab hœdis me sequestra,
Statuens in parte dextra.
Confutatis maledictis,
Flammis acribus addictis,
Voca me cum benedictis.
Oro supplex & acclinis,
Cor contritum quasi cinis,
Gere curam mei finis.
Lacrymosa dies illa,
Qua resurget ex fauilla
Iudicandus homo reus.
Huic ergo parce Deus,
Pie Iesu Domine,
Dona eis requiem Amen.

BENEDICTIO AQVÆ
diebus Dominicis,
EXORCISMVS SALIS

V. Adiutorium nostrum.
in nomine Domini. **R.** Qui
fecit calum & terram.

Exorcizo te creatura sa-
lis, per Deum **✠** vivum? per
Deum **✠** verum? per Deum
san**✠**ctum? per Deum, qui
te per Elizam Prophetam in
aquam mitti iussit, ut sana-
retur sterilitas aquar: ut ef-
ficiaris sal exorcisatum in sa-
lutem credentium? ut sis omni-
bus te sumentibus sanitas ani-
mae et corporis: & elugiat,
atque discedat in loca a quo
aspectum fueris, omnis pha-
ralia & nequitia, vel ver-
lutia diabolica fraudis o-
mnisque spiritus immundus
adiuratus per eum, qui ven-
turus est iudicare vivos
& mortuos, & saeculum
per ignem Amen.

Benedictio salis.

Oremus.

Immensam clementiam
tuam omnipotens aeterna
Deus, humiliter imploramus:
ut hanc creaturam salis, quam
in usum generis humani tri-
buidi, bene **✠**dicere, & san-
cti**✠**ficare digneris: ut sit
omnibus sumentibus salus
mentis & corporis? & quid-
quid ex eo tactum vel resper-

sum fuerit, careat omni immu-
ditia: omnique impugnatione
spiritualis nequitiae. Per
Dominum nostrum.

EXORCISMVS AQVÆ

Exorcizo te creatura a-
quae in nomine **✠** Dei Patris
omnipotentis? & in nomi-
ne Iesu Christi Filij eius Do-
mini nostri? & in virtute
Spi**✠**ritus sancti: ut has a-
qua exorcizata, ad elugendam
omnem potestatem inimici?
& ipsum inimicum eradi-
care, & explantare valeas,
cum Angelis suis apostati-
cis: per Virtutem eiusdem
Domini nostri Iesu Christi,
qui venturus est iudicare vi-
vos & mortuos & saeculum
per ignem.

Benedictio Aquae.

Oremus.

Deus qui ad salutem humani
generis, maxima quoque sacra-
menta in aquarum substantia
condidisti? adesto invocationi-
bus nostris: & elemento huic
multimodis purificationibus
preparato virtutem tuam benedi-
ctionis infunde: ut creatu-
ra tua mysterij tui tibi serviens,
ad abigendos daemones, mor-
bosq; pellendos, divinae gratiae su-
mat effectum: ut quicquid in
locis vel domibus fidelium hac
unda respergerit, careat omni im-
munditia? liberetur a noxa:
non illuc resideat spiritus pesti-
lens? non aura corruptens: di-
scedant omnes insidiae latentis.

inimici? & si quid est, quod aut
ineolumitati habitantium invi-
det aut quieti, asperione huius a-
qua effugiat: ut salubritas per
invocationem sancti tui nominis
expetita? ad omnibus sit impug-
tionibus defensa. Per Dominum
nostrum.

**Hic mittatur sal in aquam in
modum crucis, diciturque.**

Commixtio salis & aquae pari-
ter fiat. In no^mine Patris, &
Filii, & Spiritus sancti Amen.

Dominus vobiscum.

Oremus.

Deus invicta virtutis author
& insuperabilis imperii Rex
ac semper magnificus trium-
phator? qui aduersa domina-
tionis vires reprimis? qui ini-
mici rugientis servitiam supe-
ras? qui hostiles nequicias po-
tenter expugnas? te, Domine,
trementes ac supplices depre-
camur ac petimus: ut hanc cre-
aturam salis & aquae dignanter
aspicias? beni^gnus Multres?
pietatis tuae rore Sancti^{fic}es:
ut ubicunque fuerit aspersa, per
invocationem sancti tui nomi-
nis, omnis infestatio immun-
di spiritus abigatur? terrorque
venenosi serpentis procul pel-
latur: & praesentia sancti spi-
ritus nobis misericordiam tuam
polcentibus ubique adesse digne-
tur. Per Dominum eiusdem.

RECONCILIATIO.

Pallarum, Corporalium, &
Sintaminum Sacrorum pos-
tulationem.

V. Adjutorium nostrum in no-
mine Domini.

R. Qui fecit caelum & terram.

Oremus.

Omnipotens sempiternae Deus
innocentiae restitutor, qui per
Moysen famulum tuum prae-
cepisti, Sacerdotibus, & Ministris
ut Sanctuarii vestes nitidae as-
servarentur, & maculae mun-
darentur, ne quid in eis, quod
tuae oculos offenderet Majesta-
tis, tibi has vestes tuae benedicti-
one consecratas referimus mun-
das & nitidas: suppliciter de-
precantes, ut eas in usum mi-
nisterii tui pristinum placidas
ac benignas reallumere digne-
ris, quatenus sacrificium tibi
acceptum & salutiferum su-
per eis offerre valeamus. Per
Iesum Christum Filium tu-
um, qui tecum vivit & regnat
in unitate Spiritus sancti De-
i in saecula saeculorum Amen.

**Deinde aspergit aqua be-
nedicta submitte fido.**

Reconciliare, & ad usum
pristinum sacri ministerii re-
novare. In nomine Pa-
tris, & Filii, & Spiritus
sancti Amen.



1871
The first of the year
was a very dry one
and the crops were
very poor.

The second of the year
was a very wet one
and the crops were
very good.

The third of the year
was a very dry one
and the crops were
very poor.

The fourth of the year
was a very wet one
and the crops were
very good.

The fifth of the year
was a very dry one
and the crops were
very poor.


The sixth of the year
was a very wet one
and the crops were
very good.

The seventh of the year
was a very dry one
and the crops were
very poor.

The eighth of the year
was a very wet one
and the crops were
very good.

The ninth of the year
was a very dry one
and the crops were
very poor.

RECEIVED



2470. 28. VII. 1943

MS.



MISSAE DEFUNCTORUM

PARIS 1